

Bosna i Hercegovina

Босна и Херцеговина



SUD BiH
Tuzilaštvo

Sud Bosne i Hercegovine
Суд Босне и Херцеговине

Broj: S1 3 K 015904 14 Kps
Sarajevo, 21.10.2014. godine

U IME BOSNE I HERCEGOVINE !

Sud Bosne i Hercegovine, sudija za prethodno saslušanje Zoran Božić kao sudija pojedinac, uz sudjelovanje zapisničara Maide Abazi, u krivičnom predmetu protiv optuženog Keskin Omera, zbog krivičnog djela izazivanja nacionalne, rasne i vjerske mržnje, razdora i netrpeljivosti iz člana 145a. stav 1. Krivičnog zakona Bosne i Hercegovine (KZ BiH) odlučujući po optužnici Tužilaštva Bosne i Hercegovine broj T20 0 KT 0008640 14 od 08.10.2014. godine, potvrđena dana 14.10.2014. godine, sa sadržanim prijedlogom za izdavanje kaznenog naloga, na ročištu za razmatranje prijedloga za izdavanje kaznenog naloga, u prisustvu tužitelja Tužilaštva BiH, Bosiljčić Gordane i optuženog Keskin Omera, postupajući u skladu sa odredbama člana 337. stav 2. Zakona o krivičnom postupku Bosne i Hercegovine (ZKP BiH), dana 21.10.2014. godine, donio je i javno objavio

PRESUDU

U skladu sa optužnicom Tužilaštva BiH broj T20 0 KT 0008640 14 od 08.10.2014. godine, potvrđena od strane ovog suda dana 14.10.2014. godine, Sud izdaje:

KAZNENI NALOG

OPTUŽENI: KESKIN OMER, sin Avde i majke Emine, rođene Nezirić, rođen 29.10.1978. godine u Mostaru, ..., državljanin ..., sa završenom VSS – Ekonomski fakultet, po zanimanju dipl. ekonomista, bez zaposlenja, neoženjen, bez djece, ..., stalno nastanjen u ..., JMBG ...

KRIV JE

Sud Bosne i Hercegovine, Sarajevo, ul. Kraljice Jelene br. 88
Telefon: ++ 387 33 707 100, 707 596, 707 597, Fax: ++ 387 33 707 321

Što je:

Dana 13.01.2014. godine u 10.04 sati, u Jablanici, sa IP adrese: 109.175.44.184, kao korisnik e-mail adrese ... i nick name-a Omer McKeskin, na stranici www.depo.ba/front/je-li-ovo-republika-za-koju-se-borio-moj-otac, u namjeri da izazove i raspiri nacionalnu i vjersku mržnju prema građanima srpske nacionalnosti, javno objavio poruku sljedećeg sadržaja: „U idućem sukobu na prostoru BiH ubijaćemo, klačemo i nabijat na kolac sve srpsko što bude micalo bez obzira na spol i dob jedva čekam da srpsko djete okrenem na ražnju srbi su proglasili u BiH svoju republiku dva mjeseca prije referenduma 1. marta SKINULI PETOKRAKE S GLAVA 21.11.1991..... šta ste mislili da ćemo živjet u velikom Srbiji ---- e nećemo.....mi ćemo klat i ubijat srbe i srpsku djecu.....OMER KESKIN ...“, na koji način je izazvao uznemirenje kod osobe Aleksandre Matić i drugih osoba koje su pročitale sadržaj navedene poruke.

Čime je počinio krivično djelo izazivanje nacionalne, rasne i vjerske mržnje, razdora i netrpeljivosti iz člana 145a. stav 1. KZ BiH.

Pa mu sud, na osnovu člana 58. i 59. KZ BiH, **i z r i č e**

USLOVNU OSUDU

kojom mu se za počinjeno krivično djelo izazivanje nacionalne, rasne i vjerske mržnje, razdora i netrpeljivosti iz člana 145a. stav 1. KZ BiH **UTVRĐUJE KAZNA ZATVORA U TRAJANJU OD 3 (TRI) MJESECA**, te istovremeno određuje da se određena kazna neće izvršiti ukoliko optuženi **U ROKU OD 1 (JEDNE) GODINE** od dana pravosnažnosti ove presude ne počini novo krivično djelo

Na osnovu člana 188. stav 4. ZKP BiH, optuženi se oslobađa plaćanja troškova krivičnog postupka i isti padaju na teret budžetskih sredstava Suda.

O b r a z l o ž e n j e

Optužnicom Tužilaštva BiH broj T20 0 KT 0008640 14 od 08.10.2014. godine, optužen je Keskin Omer da je počinio krivično djelo izazivanje nacionalne, rasne i vjerske mržnje, razdora i netrpeljivosti iz člana 145a. stav 1. KZ BiH, na način i u vrijeme pobliže opisan u predmetnoj optužnici. Navedenom optužnicom predloženo je izdavanje kaznenog naloga, s prijedlogom da se optuženom izrekne uslovna osuda kojom će mu se utvrditi kazna zatvora u trajanju od 3 (tri) mjeseca i istovremeno odrediti da se utvrđena kazna neće izvršiti ukoliko optuženi u roku od 1 (jedne) godine od dana pravosnažnosti presude ne počini novo krivično djelo.

Sudija za prethodno saslušanje, nakon što je razmotrio optužnicu i zahtjev tužitelja za izdavanje kaznenog naloga, izveo je zaključak da je zahtjev podnesen u skladu sa zakonom, te se složio sa zahtjevom za izdavanje kaznenog naloga i potvrdio optužnicu dana 14.10.2014. godine, nakon čega je zakazano saslušanje optuženog na osnovu člana 336. ZKP-a BiH.

Na ročištu povodom zahtjeva za izdavanje kaznenog naloga održanom dana 21.10.2014. godine, prilikom saslušanja optuženog, Sud je utvrdio da je optuženi Keskin Omer primio i razumio optužnicu kao i zahtjev Tužilaštva BiH za izricanje krivičnopravne sankcije. Nakon toga, tužilac je upoznao optuženog sa sadržajem dokaza koje je prikupio i dostavio uz optužnicu, a radi se o sljedećim dokazima: Obavjest Državne agencije za istrage i zaštitu BiH, br.16-02/1-04-1-494-4/14 od 03.03.2014.godine; E-mail prijava ...; Službena zabilješka Državne agencije za istrage i zaštitu BiH, Kriminalističko istražno odjeljenje, Odsjek za borbu protiv terorizma i trgovine ABHO, br.16-02/1-24/14 od 25.02.2014. godine; Naredba operateru telekomunikacija, Sud BiH, broj S1 3 K 015904 Kpp od 30.04.2014. godine; Ispis konekcija, telekom operatera BH Telecom, br. 03.3.-9.1-775-1/14. Z.S. od 06.05.2014. godine; Obavijest Državne agencije za istrage i zaštitu BiH, br. 16-02/1-04-1-494-7/14 od 14.07.2014. godine; Fotodokumentacija Državne agencije za istrage i zaštitu BiH, br. 16-02/8-4-1-FD-5/14 od 25.02.2014. godine; Izvod iz kaznene evidencije za osumnjičenog Keskin Omera, MUP HNK, Policijska uprava Mostar, broj: 02-02/5-2-12-290/2014MŠ od 08.09.2014. godine; Zapisnik o saslušanju svjedoka Matić Aleksandra, broj T20 0 KT 0008640 14 od 04.09.2014. godine; Zapisnik o saslušanju svjedoka Keskin Ajdina, broj T20 0 KT 0008540 14 od 15.09.2014. godine; Zapisnik o saslušanju svjedoka Petrović Predraga, broj T20 0 KT 0008640 od 17.09.2014. godine; Zapisnik o ispitivanju osumnjičenog Keskin Omera, broj T20 0 KT 0008640 14 od 03.09.2014. godine.

Nakon upoznavanja sa sadržajem prikupljenih dokaza od strane Tužilaštva BiH, optuženi se izjasnio da nema primjedbi, ni prigovora na prezentirane dokaze.

Sud je optuženog pozvao da se izjasni o krivnji i predloženoj krivičnopravnoj sankciji, nakon što je poučen o načinu izjašnjenja, razlikama u načinu izjašnjenja, te pojedinačnim pravima u odnosu na način izjašnjenja. Sud je također optuženog upoznao sa mogućnošću podnošenja prigovora na optužnicu, u slučaju da se izjasni da nije kriv, i pri tom je optuženi poučen iz kojih zakonskih razloga se prigovori mogu podnijeti. Nakon što je izjavio da je razumio predočene razlike u izjašnjenju, te da neće podnositi prigovore na optužnicu, optuženi se izjasnio da priznaje krivicu i da prihvata predloženu krivičnopravnu sankciju.

Imajući u vidu prezentirane činjenice, na osnovu odredbi člana 337. stav 2. Zakona o krivičnom postupku BiH, nakon što se optuženi izjasnio da je krivi i da prihvata

predloženu krivičnopravnu sankciju, sud je utvrdio krivnju optuženog, te je presudom izdao kazneni nalog u skladu sa optužnicom.

Ocjenom svih utvrđenih okolnosti, težine djela i Keskin Omera kao njegovog izvršioca, Sud je optuženom za počinjeno krivično djelo izrekao uslovnu osudu kojom mu je utvrdio kaznu zatvora u trajanju od 3 (tri) mjeseca i istovremeno odredio da se navedena kazna zatvora neće izvršiti ako optuženi u roku od 1 (jedne) godine od dana pravosnažnosti presude ne počini novo krivično djelo. Od olakšavajućih okolnosti Sud je cijenio da se radi o relativno mladoj osobi, ..., pa Sud nalazi da je u ovom slučaju uslovna osuda adekvatna krivičnopravna sankcija, srazmjerna težini djela i ličnosti optuženog, te da će se istom postići svrha krivičnopravnih sankcija iz člana 6. KZ BiH, kao i svrha uslovne osude iz člana 58. istog zakona.

Na osnovu člana 188. stav 4. ZKP BiH, Sud je optuženog Keskin Omera oslobodio plaćanja troškova krivičnog postupka, s obzirom na to da bi plaćanjem istih bilo dovedeno u pitanje izdržavanje optuženog i osoba koje je on dužan da izdržava.

Zapisničar

Maida Abazi

**SUDIJA ZA
PRETHODNO SASLUŠANJE
Zoran Božić**

POUKA O PRAVNOM LIJEKU: Protiv ove presude dozvoljena je žalba Apelacionom vijeću ovog Suda u roku od 8 dana od dana dostavljanja presude, s tim da žalba nije dozvoljena protiv procesa i krivičnopravne sankcije.